

Kolosi

¹⁻² Nai Pol, Anut sen nai ipilianag go, Jesus Kristus san aposel nilasa ya. Nai an, Anut anen tamolpein a Kolosi na amado dan, sam na girek en niganen ipalu da. Id teid Timoti in nai da girek en migire da. An Kristus da atumanig lo gun alasa ya. Agod gamu Kristus mi awan ari apanig amado da. Nai igo nugudani dak, Anut idaned Tamad san ilo panek, agod ilo maror dam, an sam na ilasa dop yen a.

Madok uyan an lo Anut ilo uyan tupani wa

³ Saen fidian man Anut idsad Tubun ak Jesus Kristus san Taman mugudani dan, gadin an lo an ninemi wo musumiani da, agod ilo uyan ru mu-pani da. ⁴ Man dugo, man gubak mi ru en malon a, an Jesus Kristus o ilom rumok da, agod inanen tamolpein fidian ilom apidinai da. ⁵ Ananem ilo rumok san naon, Anut ikibine la ya, agog kumaen panu lo iganeg yen da. An naon an anane wo mala nouk amado da. Mala nouk an lo, an tinim ilon lo ananem ilo rumok, agod tamolpein fidian ninedi wo amat san kagin dilasag tubun a. Gubak mi ru rumok ak an sam na ipalug alon a. Ru rumok en man bilalun uyan ak a Anut san tamolpein dufulale da. Bilalun uyan an lo, ru mel uyan uyan ak a an o kumaen panu lo yen dan ninen o alon a. ⁶ Tan fidian lo bilalun uyan en iganeg nunon ifu da, agod ru en ifufurak go panu panu lo yau da. Nek ago mi, an lulunam lo kagin naon kisaek an mi yen da, saen imug mi an ru an alon go,

Anut san ilo panek an aloŋ fufeig ipalug gamu en, ru an ifufurak go tamolpein wei mi sad na yau dugo nuŋon ifu da. ⁷ Epafras ru an aloŋ uyanan san maŋau ipiteŋanaŋ a. In man maŋsama urat kisaek, agod in niŋen o tubun mi mamat da. In maŋ naoma inaneŋ Kristus san urat kagin ipani uyanan da. ⁸ Inŋen aŋ, Awan Urgan bubem yabisa dugo, lo tamolpein aenta niŋedi wo amat dan, ibol go malon a.

⁹ Fun an niŋen o, saen maŋ ru aŋ niŋemi wo malon go ipalug gamu en, maŋ aŋ niŋemi wo Anut mugudani panaŋ da. Maŋsama gadiŋ lo Anut musumiani panaŋ dak igo ya. Aŋ Anut ilon dugo ibol dan aloŋ fufei wa, agod Awan Urgan lo, aŋ kankan milaen ak, agod maŋau dam aŋ fidian tinim inaneŋfute wa. ¹⁰ In aŋ ibinawan pe, kagin uyan ak lo ator amado wa, an lo dop tamolpein ananeŋem kagin dile dop igo dubol, “tamolpein an inaneŋ Tubun ak san tamolpein dilasa san idaisuda mok a.” Taida mi, dal fidian lo, Anut san ilo uyan aŋ o tubun mi yen o, urat wagai agane wa. Urat uyan ak fidian lo nuŋon agane wa, agod nal fidian ananeŋem maŋau Anut niŋen o yan isap tubun a. ¹¹ Anut san dabai tubun geig a, an niŋen o maŋ dam, in mugudani dop inŋsan dabai tubun an fidian ipanaŋ a, ago dop, an lo aŋ dabai mok a. An lo dop muruan dugo yak fidian aŋ lo dilasa bo man, aŋ atur dabai pe, yaes ta ifunaŋ na wa, agod yousai amam da, ilo uyan ru idaneŋ Tamad apani wa. ¹² In aŋ idaisuda mi ipanaŋ an lo man, aŋ dam naon a inaneŋ tamolpein gun ak murnap diŋane wan lo atutou wa. Naon an gamu inaneŋ kagin panek aben lilaman anda yak, ante yen da. Agod

inanen patu pasek anane yan lo, naon an anane san an idaisuda mok a. ¹³ Man dugo, id gubak mi aben a Satan tidom tubun ak lo tamolpein a Anut san tia yak itirnai dan te tumado se ya. Ak man id Tamad patud ipasig injiliag go taug Nanun a niñen o imat dan, inanen kagin panek aben lo tiladu ya. ¹⁴ Nanun an lo idad injiliad go, idsad aupasek fidian isuas panad a.

Kristus inj Anut anen tutunane tamol mok a

¹⁵ Anut Nanun man Anut a id malad nam tile san tia yan san mitilaen imado da, inanen mitilaen nunon mok a. Inj Anut anen nanun matu, agod mel fidian a Anut idiri an taman imado da. ¹⁶ Man dugo, Nanun banin log Anut mel fidian idirig dilasag dien da. Mel a kumaen panu lo yen dan, tan na dam yen dan, mel a malad nam teil san, agod mel a malad nam tile san tia yan dam fidian idiri a. Mel a malad nam tile san tia man, enjel adi, tubud adi, tan keit tuon adi, agod ur naon funfun dabai amad da ya. Awo, rumok, Anut inj Nanun banin lo mel fidian idiri a, agod inj niñen o mel an idiri a. ¹⁷ Mel fidian gamugo dilasa dugo, inj imug mi imado ya. Inj lo mel fidian inaned abek abek atem dumado dugo, nug lo dututou da. ¹⁸ Inj mi midaen gurman, agod midaen man inisan tinin. Inj mi mel fidian Anut idiraig dilasa yan sad malan te ya, inj imug mi materj lo kumaen imasa ya, an lo man inj mel fidian irinane geig go, lak na isuda yang imasi a. An lo gamu inj mi mel fidian sad malan te ya. ¹⁹ Man dugo, Anut sen inanen bunun an fidian, Nanun aman da wo ilon yen a. ²⁰ Nanun lo mi Anut mel a tan na dumado dan, agod a kumaen

panu lo yan dam, fidian injiliaip injanen muroun muroun igo wonj sinjiren na dumul pe dupalu wa. An fidian inſan ager onj ago mi dumado san tia ya, man dugo, injanen Nanun san dar aigim fo iwatik an lo maror iganeg ilasa ya.

²¹ Anj imug Anut lo siai aganeg ator se ya, anj tamol asau ak igo wonj, Anut malan patun fo amado ator se ya. Anjanem kankan lo man, Anut san ager amado se ya, man dugo, anjanem kagin naok naok a agane se yan saian geig a. ²² Ak man Kristus tinin tan en san an imat a. An lo gamu Anut anj naom yabig inſan turan mok alasa ya. An lo dop inj injilianj pe inj naon na igunanj dop, anj inj malan lo gun ak, nun amam tia yak, agod talpein kot ipananj san tia yak, ago atur a. ²³ Ak man anj kulob ago ilasa wo urat amam da ya. Anj anjanem ilo rumok abituanip yau a. Nek ibol kadanj duguni dabai go ibuk ila iso san tia yak igo atur dabai a. Agod tamol ta anj naom yabip, anjanem mala nouk a bilaluñ uyan ak igane ilasa dan, ante asuk amul amoi. Bilaluñ uyan en gubak mi alonj dugo, ru nek emaiak Anut san urat tamol adi aben fidian lo dubol ilasa se ya. Agod naj Pol, bilaluñ uyan emaiak san urat tamol njilasag numado da.

Urat a Pol Kristus san midaenj niñedi wo igane se ya

²⁴ Nai madai, agod muruan a anj niñemi wo njisini se yan niñen o uyag isusa da, agod naj tinig madai dupani dan lo, Kristus tinin madai dupani amaiak san wadan njigane itout a. Kristus tinin man injanen midaenj, agod midaenj an njibinawai wo, ilo uyan lo muruan an fidian njisini da. ²⁵ Anut naj ipilianag go,

inanen midaen en san urat tamol njilasa ya. Naisag urat man, Anut san ru an fidian an njurupaian pe alon a, ru ta kisaek njabituani san tia ya. ²⁶ Idsad tubud baged gamugo dilasa dugo, Anut ru en imianig saen milaen mok imianuk an yen na ya. Ak man gamu Anut ru en inanen tamolpein gun ak kuai tem irupidaig dulon a. ²⁷ Ru mianuk en girager andag awan isa. Agod Anut ilon yen ak igo, ru mianuk en kuai ipanig inanen tamolpein gun ak banid lo igane ya, an lo tamolpein tan fidian lo dumado dan, dulon uyan dop, ru en san girager tubun ak ka dile wa. Ru mianuk girager anda yak man nek en: Kristus an tinim ilon lo imado da. Agod kulob an nunon man, murnap an kumaen a girager anda yan anane wa. An an o ilasa wak ninen o mala nouk amado da.

²⁸ Man ru Kristus ninen o yan tamolpein murupidai dulon da. Man tamolpein fidian ru kagin murupidai dugo, kankan milaen ak lo manau mupitejanai da. Man iloma man, tamolpein fidian minjiliaip, dida Anut naon na maup, itaot adi Kristus lo yak igo mugunaip dutur a. ²⁹ Nai mel an ilasa san ninen o urat wagai njigane da. Dabai tubun geig ak a Kristus nai ilog lo igane ilasa dugo, ilog lo urat tubun mi isini dan, an nunon igane wo maeg njigane da.

2

Pol ilon man midaen Kristus dulon uyanan mok
a

¹ Nai an ninemi wo, tamolpein a taun Laodosia na dumado dan dam ninedi wo, agod a fidian naog ta dile na yan dam ninedi wo, njubunawan o maeg

ņigane dan, alon uyanan ak ago ilog ibol da. ² Ņai ilog man, űai an in dida ilom űabisap, ilom dabai amam da amado wa, agod ilo panek lo atumanip kisaek a. Ago dop an lo an in dida maņau milaen mok an ilom lo ilasap yen a. An lo dop Anut san ru mianuk an alon pasik a. Ru mianuk a talon san uyanan man Kristus inűen. ³ In tinin ilon lo, Anut gubak mi mel fidian naod lak na geig ak maņau san, agod kankan milaen ak san dam, imianaig dimianuk go dien da. ⁴ Ņai ru ago űurupaian dan lo, talpein ta ilo űanek ru nam irawan san tia ya. ⁵ Man dugo, gidad an luluņam lo űai naog tia ya, ago bo man űaineg ur lo mi űai an da tumado da. Ago dugo aņanem ilo rumok Kristus lo yan, an nug aganuri dugo atur dabai da, an űai űile dugo ilog bulbal da.

Id Kristus tiganuri dan lo id afon kubiaen san urat tamol tilasa san tia ya

⁶ Fun an ninen o, an Jesus Kristus aņaneg aņanem Tubun ak ilasa yan ninen o, in aganurip sisem ator a. ⁷ An aganep aņanem dabim Kristus lo dudu diau geig a. Agod nek ibol ab ta diabig dabai anda itur dak ago won, an dam Kristus lo dabai amam da atur a. Nek ibol imug Epafras ipitenanan ak ago, aņanem ilo rumok an dabai apani wa. Taida mi, an Anut ilo uyan ru apani san kagin an ilom lo awan isa wa.

⁸ Kagin agane, kabelan talpein ta tamol sad maņau lo ininē, ago dop ru bulbal ininē dan lo, ilom inane dop ru sewak an san subanek tamol alasa banau. Talpein kulob ago digane dan, in tubud baged sad na kagin dugo dinane yan, agod

tan en san tan tubud adi sad kagin digam an diri na ya. Ilo sou naok ago yan Kristus san tia ya.

⁹ Man dugo, Anut san bunun fidian an Kristus tinin inañefute ya. ¹⁰ Agod inañen kumaen añ añaneg, añ ilom inañefute ya. Kristus mi malan te ya, in mi mel fidian sad gurman imado da, agod tubud sewak adi a tamolpein sad madok ditirni dan irinainai geig a. ¹¹ Nek ibol Juda adi tinid sunulon tutek san mulun lo dudu dak igo won, añ Kristus da atumanig kisaek alasa yan lo, añanem bunum wagam ak aupasek san an atuteg abibol yau a. Tinik sunulon tutek naok emaiak tamol banid nam ta digane na ya, tia, kulob an Kristus tuon lo mi ilasa da. ¹² Saen añ Kris lo suguek añane yan, añ Kristus da sisem amat go tan lo disirian a. Agog Anut añ Kristus da sisem ibianşag fon kumaen amasag amado da. An añ Anut san dabai urat isini dan ninen ilom rumok an lo ago ilasa ya, man dugo, Anut Kristus maten lo yabisag in fon kumaen imasa da yan alon la ya.

¹³ Gubak mi añ gob mi a, añ aupasek kagin lo ator dugo, Juda sad mulun lo adu man tia ya. An ninen o añ n̄utumi imat ak igo amado ator se ya. Ak man saen Anut Kristus kumaen foun ak ipani man, kumaen foun ak ipañ go an lo añanem n̄utumi dam kumaen dilasa ya. Agod idaned aupasek fidian isuas yau a. ¹⁴ Gubak mi Moses san kubiaen an, ager igane panad go ibiad tadu se ya. Kubiaen an san ru kagin wei mi a, in nek ibol pepa roun ta an fufu gubun fidian a tinid lo dien dan digire yak igo won a, agod id gubun an fidian tukubune wo ta idaisuda na ya. Ak man Kristus

gubun an fidian itute ya, in pepa roun an inane isini yaug, in san aigim fo ibali a. ¹⁵ Inanen maten aigim fo yan lo, tubud adi tuon anda yak, agod ur saiak fidian a tamolpein ditirnai dan, inaned dabai igane itout a. Nek ibol yu gurman ta yu igane itout go, in san ager ta dumat na yan banid ifoug, in patun fo malak malak iraug diau dak igo won, Kristus in san maten lo yu iganeg itout go, mel fidian a dabai ad da yan ibiai dudu go, malak malak miai ipidinai a.

¹⁶ Fun an ninen o talpein ta an kulob igo yak agane wo ibol da: an mel dugo ani aluk dan, soubul agane dan, kalam foun ilasa yak san mugurun agane dan, tia, Sabat nal ninen o yaes abal dan, ago ibol tap, an awan ta abi na wa. Talpein ta melmel naok an ninedi wo an bitinaek lo idiran dop, an amoi a. ¹⁷ Kagin naok ago yak man, melmel rumok a murnap dupalu an sad mitilaedi mi a, ak man mel a rumok an igo yen la ya, an Kristus sen. ¹⁸ Talpein enti sewak kagin lo sen yabi idu dugo, enel adi sad ubou leil igane dan ninen o kagin agane wa. Talpein naok an patum apani wa, kabelan ananem naon uyanan an irinanan banau. In nionamin lo manau senamo geig ak inane dak ago ibol da, an ninen o sen ipitiani da. In an naom iguri wo ru dabai anda ru kagin irupaian da, ak man ninen an fun an tia ya. Man dugo, in san se pitiano kagin an lo mi inin da, agod inanen kankan an tan en san tamolpein dugo ilod isou dak ago mi iri da. ¹⁹ Talpein naok ago yan idaned gurman Kristus an yabipitili a. An ninen o in Kristus tinin ibiseig yaug patun fo ilasa ya. Kristus mi insinanen tinin san gurman, agod tinin anen boi an fidian

itirnai da. In lo, tinin san im, tinin san boi aenta fidian disatunaig nug diabi dan lo italbusi da, ago dop Anut ilon yen dak ago mi tinin fidian isap dabai a.

²⁰ An Kristus da sisem amat a, an lo man an ka tan en san tubud kititik abisawaip kawan ator a. Fun an ninen o, ata wo an tan en san tamol amado dak on, sem idiran go tan en san tamol kagin wei mok an paed na amado dak i? ²¹ Tamol kagin an igo dubol, “An mel an ta abi na wa.” Tia dubol, “An anan an ta ani ale na wa.” Tia dubol, “An mel en ta asupuri na wa.” ²² Melmel e ninedi wo nabol den, ata mel tani taluk o boi, an id ka saen kisaek mi urat tipidinai wa, ago gup dideg diau a. Mel geg niganag an nunon an tia ya, man dugo, ru kagin naok ago yak san fun mok man, ru kagin sensen ak agod pitejanek funfun a tan en san tamol mi durupaiad se ya. ²³ Rumok, ru kagin naok ago yan tamolpein aenta sad leil lo kankan milaen ak anda yak manon a. Man dugo, ru kagin an diri dupani dan lo kagin naok igo dilasa da: in ubou leil digane wo sed isodudunai da, in sed ibiai dudu da, (ak man kagin an sewak a,) agod insed tinid dufu da. Ak man kagin naok naok ago yan inaned tini masai diabituni san in dabai ad tia ya.

3

Idsad madok gun ak san kagin

¹ An Kristus da sisem Anut ibiansa ya. An ninen o an ananem mala nouk an melmel a lak na dien dan fo agane wa. Aben an ate Kristus in Anut banin won ak lo imado da. ² Nal fidian pe an tan en san melmel an mi ninedi wo ilo sou ta agane na wa, tia,

kumaen panu san melmel amaiak mi ilo sou an agane wa. ³ Man dugo, oŋ umat la ya, agod gamu oŋane madok mok ak imianuk Kristus da dumado da, agod oŋ an ule san tia ya, man dugo, Anut mi kagin an igane da. ⁴ Kristus inŋsen mi man oŋane madok mok a. Amaiak niŋen o saen in fon tan na walal isi dan, oŋ dam in da sisem girager amam da walal asi wa.

⁵ An niŋen o tan en san kulob saian saian agane dan asare. An jeit kagin ta agane na wak, ilo isou saian saian dam ta agane na wa. An pein niŋedi wo malam ta isi na wak, an ilom tinim imasap ilo sou saian saian ta agane na wa. Agod ilo sek kagin ta gane na wa, man dugo, Anut malan lo kagin an man nek ibol an tubud sewak adi ubou ad ale dak igo won a. ⁶ Tamolpein kagin naok naok ago yan digane dan lo man, Anut san tinŋae mumarek ipalu da. ⁷ Gubak mi an dam, kagin naok naok ago yan lo ator dugo, ilo sou sisaiak ananem ulum yabi se ya. ⁸ Ak man kagin naok igo yak patum apani: wagai kagin, tinŋae saiak kagin, nug ule saian san kagin, agod uf ru. An ru nun ak awam lo ta ilasa na wa. ⁹ An nug ta arawi na wa, man dugo, an ananem bunum wagam ak, agod kagin a bunum wagam ak igane se yan fidian apasi la ya, ¹⁰ agod ananem bunum foun ak anane ya. Anut gamu urat igane dan lo ilom ibileksap manau foun ak anane da. An lo Enti a an foun idiran alasa yan, an lo igo igane da, nek ibol inŋsen imado dak, an dam ago mi alasa da. ¹¹ Fun an lo na id foud tilasa yan lulunad lo tarpalek man tia ya. Grik in Juda dadi, tamol a tinid sunulon dutute yan, a tinid sunulon ta dutute na yan, tamol asau ak, tia, tamol kasik yu

gidigheid digane dak, tamol urat bigabeg ak, tia, tamol kawan imado dan, an fidian kisaek a. Gamu Kristus mi malan te ya, man dugo, inj tamol naok an fidian ilod lo imado da.

¹² Fun an ninen o, an gamu Anut anen pilianek tamolpein a, an gun amado dugo inj ninemi wo tubun mi imat da. An ninen o nek ibol tamol ta kulos injal go tinin fo idiri dak igo wonj, kagin en aburoup kulos onj nam tinim abuluwi wa: ilo munjanek, ilo panek, sem ibianj adu san kagin, mos kagin, agod muruan asini san kagin. ¹³ Nug ale saian amoi dop, muruan dugo yak an nugnug lo yen dan, an anen anen apare idu dop, nek ibol Tubun en ananem aupasek isuas pananj ak igo wonj, an dam nug san aupasek asuas a. ¹⁴ Agod kagin a kagin aenta fidian irinjanai dan man, an nug ninen o amat a, nek an mi a. Nek ibol let ta, an sam kulos aenta ibiai sakar dak igo wonj, nug ninen o amat ak san kagin an, inj kagin aenta fidian ifou dop an lo sisem urat disini uyanan a.

¹⁵ Kristus san maror an anj ulum am yabi wa, ago dop an pilianek agane wo uyan a. Man dugo, Anut anj igianj go tinik kisaek mi ak alasa ya, an ninen o Anut anj fidian maror lo amado wo irupaijanj a. ¹⁶ Ru a Kristus ninen o alonj an anjanep bubem ilon lo aganep idaisuda wa. Anj bubem lo ru an urat isini wa. Kankan milaen ak nam nug apitenjani dop nug ru kagin arupej wa. Isrel kanam bar an abi, kanam bar aenta dam abi, Awan Urgun bar ikubiai pananj an dam abi; ilom bubem tinim fidian lo Anut ninen bar abi wa. Anj ago agane dop Anut ilo uyan apani wa. ¹⁷ Anj ru dugo abol dan, kagin dugo agane dan dam, an fidian Tubun en

Jesus yañan lo mi agane wa. Inj yañan lo mi Bai Anut ilo uyan ru arupei.

Nug muroun sad ru kagin sensen ak

¹⁸ Pein, añanem tamol awad paen na amado wa, man dugo, kagin an mi Anut malan lo itaot a. ¹⁹ Tamol, añanem pein niñedi wo amat a, agod ru saian nam ta apidai na wa. ²⁰ Nanuk, añanem tinam tamam mel dugo agane wo dubol tap, inj awad kagin apani. Man dugo, kagin naok ago yan, agane dop lo Anut ilo uyan apani wa. ²¹ Tinan taman, añ nanuk pempem muruan ta apidinai na wa, kabelan inj ilod saian panañ pe, kagin uyan ak digane wan dumoi banau. ²² Urat bigabeg adi, añanem tamam a kagin dupananñ dan, mel ta dugo agane wo dubol tap, añ pempem awad ari apani wa. Inj diliañ o, tia, inj ilod añanep dipitianañ o ago agane amoi. Tia, inj malad patun fo bo man, Anut o mi arer dop, tamol nuñom ago woñ, inñsad urat itaot aganep ilasa wa. ²³ Añ mel dugo agane dan, ilom nñutum nuñon amam da agane wa. Man dugo, añ tamol sad urat ta agane na da, tia, añ Tubun en san urat agane da. ²⁴ Fun an niñen o, añ mel en aloñ uyan ak, Tubun en añ dam mel uyanan a Anut san tamolpein ipidinai o iganeg yen dan, añanem urat naon igo woñ ipanañ a. Tamol nek a inñsan urat agane dan man Tubun ak Kristus inñsen mi. ²⁵ Aloñ uyan ak, talpein enti igane saian dan, inñsinan kagin saian an naon ka inñane wa. Gidad oñ urat bigabeg, oñ urat bigabeg taman, naon panek kagin a Anut igane dan kisaek a, man dugo, inñsan leil lo man, id fidian tou kisaek mi a.

4

¹ Onj urat bigabeg taman, anj kagin itaot ak lo, agod kagin uyan ak lo dam, anjanem urat bigabeg adi kagin apidinai a. Man dugo, anj alonj ak, anj dam tamam am da ya, inj kumaen panu na imado da.

Ru kagin aenta

² Anj saen pempem Anut agudani dop amado wa. Saen agudani dan, ilo sou agane uyan gup, Anut asumiani, agod pempem Anut ilo uyan apani wa. ³ Agod saen anj Anut agudani dop, manj o dam ilom isou panama wa. Anut asumiani dop, injanen ru mianuk Kristus ninjen o yan mabol ilasa san inj ka dalawan ipasi panama wa. Nai gubak mi ru mianuk an tamolpein nfulale pidinai se ya. Fun an ninjen o naj dusubanag go sein nam njieg banig dufoug subanek ab lo numado da. ⁴ Anut asumiani dop naj ibinawag pe injanen ru en fun kuai tem nabol ilasap, tamolpein dulonj uyan a. Ago njigane dop man uyan a. ⁵ Saen anj tamolpein ensauta a anjam midaen patun fo dumado dan lulujad lo amado man, anj ilo sou uyan ak mi ari apani dop, kagin itaot ak mi agane wa. Taida mi, Anut dal ta ikubiai ale dop, talpein aenta anjanem ilo rumok ka afulale pidinai dop man, anjanem ilo rumok afulale pidinai a. ⁶ Saen fidian anj ilo uyan san ru, agod ru kududod bulbal san an mi anjinenj a. Ago dop lo talpein ta sumiaek igane tap, anj ilo sou uyan ak lo mi sumiaek awan abi dop, lo tamolpein fidian dulonj uyanan a.

Pol turan muroun ilo uyan ru digane ipalu ya

⁷ Tikikas in̄ n̄ai kulob dugo n̄igane na yan ka ibol alon̄ a. In̄ man̄ teima Kristus lo yan nin̄en o mamat da, Tubun en san urat lo in̄ n̄aisag urat kisaek, agod man̄ ka in̄ Tubun en san urat igane uyanan o tinima migane pani wa. ⁸ N̄ai in̄ an̄sam na n̄igane yau da. An fun man, in̄ man̄ dugo mumado den san fun fidian ibol alon̄ a, ago dop an̄ ilom pasai ibol a. ⁹ Onesimus in̄ da an̄sam na sisem diau da. In̄ tamol Kris ak ilasa ya, agod man̄ nin̄en o tubun mi mamat da. Gamu in̄ dam an̄anem midaen̄ san tamol kisaek a. In̄ urarum mel fidian etna ilasa dan ka dubol alon̄ a.

¹⁰ Aristakas, in̄ dam subanek ab lo da mumado yan an̄sam na ilo uyan ru igane ipalu da. Mak dam an̄ ilo uyan ru irupaian̄ da, in̄ Barnabas nukol. An̄ Mak nin̄en o ru kagin an̄ane la ya. In̄ an̄sam na ipalu tap, an̄anep kagin apani wa. ¹¹ Agod Jesus, in̄ yan̄an aenta Jastas dubol dan dam an̄sam na ilo uyan ru igane ipalu da. N̄aisag urat kisaek adi a Anut san kagin panek o urat digane dan, luluḡad lo tamol utol en mi Juda tamol a. In̄ n̄ai dubunawag go ilog pasai ibol a. ¹² Epafra, in̄ dam an̄sam tamol kisaek a, agod ilo uyan ru irupaian̄ da. In̄ Jesus Kristus san urat tamol mok a. In̄san gadin̄ lo an̄ nin̄emi wo urat wagai igane dugo, Anut igo isumiani da: Anut ilon dugo ibol dak alon̄ uyan pe, tinim n̄utum fidian lo ari apani wa, agod an̄ mel ta nin̄en o, ta katuk amam na wa, an lo dop an̄anem ilo rumok Kristus lo yan dabai a. ¹³ N̄ai n̄aiseḡ n̄urupaian̄ da, in̄ an̄ ibinawan̄ o urat wagai igane da, agod ilo rumok adi Laodosia na yan, Hirapolis na yan dam nin̄edi wo urat wagai igane da. ¹⁴ Maḡsam turama mok,

Luk, in a dokta tamol amaiak, Dimas da an̄sam na ilo uyan ru digane ipalu da. ¹⁵ Nai naog an̄janep ilo uyan ru, ilo rumok adi Laodosia na dumado dan arupidai. Nimfa, agod midaen̄ a in̄san ab lo dutumani dan dam, n̄aisag ilo uyan ru arupidai.

¹⁶ Girek en asutip ale gup murna Laodosia midaen̄ sad na agane yaup, in̄ dam dusuti dop dulon̄ a. Nek ago mi an̄ dam girek taida an̄ Laodosia midaen̄ sad nag ipalu yan asutip ale wa.

¹⁷ Akipas arupeï, “Tubun ak in̄janen urat gane wo dipiliano yan urat wagai ganep, gane yau itout a.”

¹⁸ Nai Pol, n̄aiseg banig mok nam ru wadan en n̄igire da. Nai ilo uyan ru n̄urupaian̄ da. An̄ n̄ai subanek lo n̄umado dan, ilom ta in̄aon̄ na wa. Nai n̄ugudani da, Anut in̄janen ilo panek an̄ da ka amado wa.

Anut san bilalug foun
The New Testament in the Takia Language of Papua
New Guinea
Nupela Testamen long tokples Takia long Niugini

Copyright © 1999 The Bible Society of Papua New Guinea

© Faith Comes by Hearing

Language: Takia

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-12-11

PDF generated using Haiola and XeLaTeX on 22 Feb 2024 from source files dated 31 Aug 2023

757b3e4e-2023-5b45-893a-ee9294ddeb9d